



02. oktober 2019

UKA2019/148

Uunga siunnersuut: Naartunermi, erninermi meeravissiarthaarnermilu sulingiffeqartarneq ullormusiaqartarnerlu pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq. (Angajoqqaat sulingiffeqartarnerinut piffissarititaasup sivitsorneqarnera)

(Aleqa Hammond, Nunatta Qitornai)

Inatsisartut ukiaanerani 2018-mi ataatsiminnermi inatsisartuni oqaluuserisatta ilagaat immikkoortoq 106. tassani siunnersuutigineqarmat naartunermi, erninermi meeravissiarthaarnermilu sulingiffeqartarneq ullormusiaqarnerlu allanngortineqassasoq. Allanngortinneqartussanngortinneqarnera sapaatip akunneranik 4-nik sulingiffeqarfiusartoq sivitsorneqassasoq, tassa maannakkut atuuttuusut amerlineqarlutik.

Siunnersuut qaqinneqarmat taperserparput. Taperserparput ilaqtariinnut politikkeqarnermi ilaqtariit meerartaartillugit sapinngisaq tamaat atorlugu toqqissisimanermik pitsaasumik inuiaqatigiit-tut aallartinnissamut periarfisseeqataajumangatta.

Ullumikkut meerarpassuit angajoqqaaminnit isumagineqarnerat ajorluinnartumiippoq, taamaamat siusinaartumik iliuseqarneq pisariaqarpoq unalu alloriarnissamut inatsisissatut siunnersuut qulakkeerinnittaassaaq meeqqat pitsaasumik angajoqqaallu pitsaasumik toqqissisimasumik tunngavissinneqarnissaannik.

Taamatut oqaaseqarluta inatsisissatut siunnersuut taperserparput.